

## PROCESI I KOMPENSIMIT

**KOMPENSIMI** i depozitës së siguruar është vlera monetare, deri në nivelin maksimal ligjor 2.500.000 lekë, që i njihet ose i paguhet depozituesit në rast të likuidimit të detyruar të bankës.

Shuma në lekë që përfiton çdo depozitues në rast kompensimi, llogaritet: Shuma totale e depozitave të tij, përfshirë interesin deri në ditën e vënies së bankës në likuidim për secilën prej depozitave, duke zbritur shumën e detyrimeve të papaguara në kohë të depozituesit ndaj bankës. Depozitat në valutë konvertohen në lekë, sipas kursit të këmbimit, të përcaktuar nga Banka e Shqipërisë në ditën e vendosjes së bankës në likuidim të detyruar.

### HAPI 1

#### Nisin Procedurat e kompensimit.

Procedurat e kompensimit fillojnë menjëherë, në momentin kur ASD njoftohet me shkrim nga Banka e Shqipërisë për vendosjen e bankës në likuidim të detyruar. ASD ndërhyr kur një bankë nuk është më në gjendje të paguajë depozitat. Në ditën e ndërhyrjes, banka deklarohet si subjekt në likuidim dhe depozituesit nuk mund të kryejnë veprime me llogaritë e tyre. Depozituesit nuk kanë nevojë të ndërmarrin asnjë veprim deri në njoftimin zyrtar të ASD-së.

### HAPI 2

#### Përgatitja e ASD-së për kompensim.

ASD merr të dhënat për depozitat dhe depozituesit nga banka e vendosur në likuidim. Këto të dhëna përpunohen për të gjeneruar listën përfundimtare të depozituesve me shumën përkatëse për kompensim. ASD dërgon listën përfundimtare së bashku me fondet tek banka agjente në të cilën do të kryhen pagesat.

Ndërkohë që bëhen përgatitjet Agjencia njofton depozituesit në lidhje me fillimin e procesit të kompensimit, bankën agjente që do të kryejë kompensimin dhe i përgjigjet të gjithë pyetjeve të depozituesve nëpërmjet mjeteve të saj të komunikimit.

### HAPI 3

#### Kryerja e pagesës

Për të përfituar shumën e kompensimit, depozituesit duhet të paraqesin në sportelet e bankës agjente:

Dokumentin e identifikimit dhe kopje të Kontratës së Depozitës ose çdo dokument tjetër që vërteton pretendimin mbi kompensimin e depozitës.

Kompensimi kryhet përmes:

- pagesës së shumës në lekë personit në ambientet e bankës agjente ;
- transfertës së shumës që përfitohet nga depozituesi në një bankë anëtare të skemës së sigurimit të depozitave;
- ose mënyrave të tjera të ofruara nga ASD sipas rasteve.

### HAPI 4

#### Mbyllja e procesit

Procesi i kompensimit përfundon jo më vonë se tre muaj nga data e fillimit të tij. Agjencia njofton depozituesit për mbylljen e procesit të kompensimit si dhe trajton rastet e veçanta dhe pretendimet. Çdo depozitues, që nuk është paraqitur për t'u kompensuar brenda afatit ligjor të kompensimit, i ruhet e drejta për kompensim, brenda 10 vjetëve .

# DEPOZITA TË SIGURTA KOMPENSIM I GARANTUAR DERI NË 2.500.000 LEKË



Agjencia e Sigurimit të Depozitave (ASD) që prej vitit 2002 është institucioni përgjegjës për administrimin e skemës së sigurimit të depozitave në Republikën e Shqipërisë. ASD siguron depozitat tuaja në çdo bankë dhe kompenson ato deri në nivelin maksimal 2.500.000 lekë, në rast se banka nuk është më në gjendje të paguajë depozitat tuaja.

Të gjithë bankat e licencuara nga Banka e Shqipërisë janë anëtare të skemës së sigurimit të depozitave. Anëtarësimi i tyre në skemë është i detyrueshëm.

PËRFITUES nga skema e sigurimit dhe kompensimi i depozitës është çdo depozitues: individ, tregtar dhe shoqëri tregtare, rezident ose jorezident, shqiptar ose i huaj, i cili ka llogari depozitë në një bankë, në lekë ose në monedhë të huaj, sipas ligjit nr. 53/2014, datë 22.05.2014 "Për sigurimin e depozitave", i ndryshuar.

Nga 1 janar 2017, skema ofron siguri për më shumë depozitues duke përfshirë edhe depozitat e tregtarëve dhe shoqërive tregtare.

#### Nëse keni pyetje kontaktoni me bankën tuaj ose me ASD

Rruga e Elbasanit, nr.317 Tiranë

T: +355 42 362 989, +355 42 347 298

F: +355 42 362 984

@: info@asd.gov.al/ www.asd.gov.al

f Agjencia e Sigurimit të Depozitave



AGJENCIA  
E SIGURIMIT  
TË DEPOZITAVE

## DEPOZITAT E SIGURUARA

Agjencia siguron dhe kompenson **ÇDO DEPOZITUES, NË ÇDO BANKË** deri në nivelin maksimal ligjor 2.500.000 lekë, pavarësisht numrit të depozitave apo llojit të monedhës.

### ASD SIGURON:

- ✓ Depozitat me afat
- ✓ Depozitat pa afat
- ✓ Llogari rrjedhëse
- ✓ Llogari kursimi
- ✓ Depozita apo llogari të tjera bankare, kombinime të produkteve bankare të sipërcituara, të sigurueshme nga Agjencia.

**DEPOZITUESIT NUK KANË ASNJË KOSTO** për sigurimin e depozitave të tyre. Bankat kanë detyrimin ligjor të paguajnë për to.



## DEPOZITAT E PËRJASHTUARA NGA SIGURACIONI

- × depozitat e bankës, degës së bankës së huaj, në emër dhe për llogari të vet, si dhe çdo subjekt tjetër financiar i licencuar nga Banka e Shqipërisë dhe Autoriteti i Mbikëqyrjes Financiare;
- × depozitat e drejtorit, administratorit në bankë dhe familjarëve të tyre, sipas certifikatës së gjendjes familjare;
- × depozitat e çdo personi që zotëron 5 për qind ose më shumë në kapitalin e subjektit anëtar ose të aksioneve me të drejtë vote në këtë subjekt;
- × depozitat e prejardhura nga veprimtari të lidhura me pastrimin e parave dhe financimin e terrorizmit, të cilat janë deklaruar të paligjshme me vendim gjykatë të formës së prerë;
- × depozitat e shoqërive të sigurimit dhe risigurimit, vendase ose të huaja;
- × depozitat e subjekteve të sipërmarrjes ose investimeve kolektive, vendase ose të huaja;
- × depozitat e fondeve të pensionit ose sigurimit pensional, vendase ose të huaja;
- × tituj të emtuar nga subjekte financiare dhe çdolloj detyrimi tjetër që këto subjekte kanë bazuar mbi marrëveshjet e tyre të premtimit;
- × depozitat e njësisve të pushtetit qendror ose vendor, si dhe çdo enti publik të Republikës së Shqipërisë ose të një vendi të huaj
- × depozitat të paemërtuara dhe/ose titulli i të cilave nuk përcaktohet qartë;
- × depozitat e vendosura në subjektin anëtar të skemës së sigurimit të depozitave gjatë dhe pas ditës së ngjarjes së sigurimit në këtë subjekt;
- × depozitat e personave juridikë, përveç atyre të përcaktuara në pikën 17 neni 3 të ligjit.



**Ju keni disa llogari në të njëjtën bankë, në lekë ose në çdo monedhë tjetër.**

Depozitat tuaja janë të siguruar si në lekë ashtu edhe në monedhë të huaj. Të gjithë depozitat, në lekë apo në monedhë të huaj (të cilat konvertohen në lekë sipas kursit të këmbimit të Bankës së Shqipërisë), mblidhen dhe kompenson deri në 2.500.000 lekë.

**Ju keni disa llogari në disa banka.**

Ju kompenson deri në nivelin maksimal 2.500.000 lekë në secilën bankë.

**Ju keni një llogari të përbashkët.**

Secili depozitues zotëron pjesë të barabarta në depozitën e përbashkët, përveç rasteve kur përcaktohet ndryshe në kontratën e depozitës. Kompensimi që përfiton secili bashkëpronar, deri në 2.500.000 lekë, përfshin shumat në llogaritë personale që mund të ketë si edhe pjesën që i takon nga llogaria e përbashkët.

**Ju jeni një individ që keni llogari personale dhe llogari të biznesit tuaj në të njëjtën bankë.**

Ju do të kompenson deri në 2.500.000 lekë për secilën prej tyre.

## NË ÇDO RAST, SHUMA MBI 2.500.000 LEKË, NUK KOMPENSOHET NGA AGJENCIA.

### IDENTIFIKOHU!

Identifikimi korrekt i secilit depozitues është element kyç për të mundësuar kompensim të shpejtë dhe të saktë. Çdo neglizhencë lidhur me të dhënat e depozituesve do të vështirësojë e vonojë procesin. Të dhënat minimale që çdo depozitues duhet të regjistrojë në bankë në mënyrë që të mos ketë asnjë pengesë për të përfituar atë që i takon, janë:

### INDIVIDË

- emri, mbiemri
- numri personal
- numri i dokumentit të identifikimit
- atësia
- datëlindja
- adresa
- numri i telefonit

### TREGTAR OSE SHOQËRI TREGTARE

- numri unik i identifikimit të subjektit
- emërtimi
- data e regjistrimit
- forma ligjore

Ju lutemi të:

- ✓ depozitoni një kopje të dokumentit të identifikimit në bankë;
- ✓ njoftoni menjëherë bankën për çdo ndryshim të të dhënave të mësipërme;
- ✓ depozitoni nënshkrimin apo firmën dhe nënshkruesin/firmosni çdo dokument bankar që tregon apo autorizon lëvizjet nga llogaria depozitë e juaj;
- ✓ njoftoni Agjencinë për çdo parregullsi që vëreni në drejtim të mbajtjes së të dhënave tuaja të mësipërme dhe të procesit të identifikimit tuaj.